

01

3222

P.B: 1333

293
2320

Bosna i Hercegovina
Federacija Bosne i Hercegovine
KANTON SARAJEVO
Ured za borbu protiv korupcije i
upravljanje kvalitetom



Босна и Херцеговина
Федерација Босне и Херцеговине
КАНТОН САРАЈЕВО
Уред за борбу против корупције и
управљање квалитетом

Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-18-1333/21
Sarajevo, 27.07.2021. godine

SKUPŠTINA KANTONA SARAJEVO
KABINET PREDSEDAVAJUĆEG I ZAMJENIKA PREDSEDAVAJUĆEG
SKUPŠTINE KANTONA SARAJEVO
n/r Predsjedavajućeg Skupštine - Elvedin Okerić

Predmet: KJP "Sarajevo-šume" d.o.o. Sarajevo, Informacija, dostavlja se.-

Shodno članu 5. Uredbe o osnivanju Ureda za borbu protiv korupcije i upravljanje kvalitetom Kantona Sarajevo ("Službene novine Kantona Sarajevo", broj 40/20 – prečišćeni tekst), u prilogu akta dostavljamo Vam predmetnu Informaciju, radi Vašeg znanja i eventualnog daljeg postupanja.

S poštovanjem,


ŠEF UREDA

Erduan Kafedžić

Priloga: 1.

Dostaviti:

1. Naslovu;
2. a/a.



134/21



web: <https://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277
Fax: + 387 (0) 33 562-217
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-18-1333/21
Sarajevo, 27.07.2021. godine

SKUPŠTINA KANTONA SARAJEVO
KABINET PREDSDJEDAVAJUĆEG I ZAMJENIKA PREDSDJEDAVAJUĆEG
SKUPŠTINE KANTONA SARAJEVO
n/r Predsjedavajućeg Skupštine - Elvedin Okerić

Predmet: KJP "Sarajevo-šume" d.o.o. Sarajevo, Informacija, dostavlja se.-

Uredbom o osnivanju Ureda za borbu protiv korupcije i upravljanje kvalitetom Kantona Sarajevo ("Službene novine Kantona Sarajevo", broj 40/20 – prečišćeni tekst) propisane su nadležnosti Ureda za borbu protiv korupcije i upravljanje kvalitetom Kantona Sarajevo (u daljem tekstu: Ured). Član 5. citirane Uredbe propisuje da je Ured nadležan za preduzimanje aktivnosti na prevenciji korupcije kao i prikupljanju podataka i informisanju nadležnih o uočenim radnjama koje mogu imati koruptivne elemente, te za postupanje po prijavama prema institucijama u svrhu provjere, prikupljanja podataka i prosljeđivanja istih nadležnim organima i institucijama.

Ured je dana 08.06.2021. godine zaprimio zastupničko pitanje zastupnice u Skupštini Kantona Sarajevo, Jasmine Bišćević Tokić, u kojem je između ostalog navedeno da lice koje je imenovano za v.d. Izvršnog direktora za opšte poslove u KJP "Sarajevo-šume" d.o.o. Sarajevo, navodno ne ispunjava uslove propisane Pravilnikom o unutrašnjoj organizaciji i sistematizaciji radnih mjesta navedenog Preduzeća.

S tim u vezi, a sve sa ciljem provjere osnovanosti navoda iz predmetne prijave/zastupničkog pitanja, Ured je dana 16.06.2021. godine, navedenom Preduzeću uputio Zahtjev za dostavu dokumentacije, vezano za navedeno imenovanje, odnosno fotokopiju dokumentaciju koju je lice koje je imenovano za vršioca dužnosti Izvršnog direktora Oblasti za opšte poslove priložilo kao dokaz o ispunjavanju uslova propisanih Statutom Preduzeća za navedenu poziciju.

U međuvremenu, dok se čekalo na dostavljanje tražene dokumentacije od strane navedenog Preduzeća, Ured se obratio i Kantonalnoj upravi za inspeksijske poslove Kantona Sarajevo sa zahtjevom za vršenje inspeksijskog nadzora na okolnosti iz prijave.

Dana 21.07.2021. godine, Ured je od strane KUIP-a zaprimio Informaciju Inspektorata rada, zaštite na radu i socijalne zaštite, broj: UP-1-14-09-30-14480/21 od 13.07.2021. godine, u kojoj je između ostalog navedeno, da inspektor rada nema mogućnost djelovanja na okolnosti nadzora nad procedurom izbora i imenovanja na funkcije, za što je nadležan organ koji je sprovodio procedure izbora i imenovanja. Nadalje je navedeno da vršiocyte dužnosti direktora i



vršioce dužnosti izvršnih direktora KJP "Sarajevo-šume" d.o.o. Sarajevo, imenuje Nadzorni odbor ovog Preduzeća, te da je na osnovu člana 33., stav (1) tačka 12. Statuta KJP "Sarajevo-šume" d.o.o. Sarajevo, propisano da je Nadzorni odbor nadležan da bira, imenuje i razrješava Upravu i sekretara Preduzeća, tako da kantonalna inspekcija rada u konkretnom slučaju nema mogućnost vršenja inspeksijskog nadzora nad radom Nadzornog odbora.

Nakon niza upućenih urgencija od strane Ureda, po aktu kojim je traženo dostavljanje dokumentacije, navedeno Preduzeće je dana 22.07.2021. godine, dostavilo Uredu traženu dokumentaciju. Uzimajući u obzir činjenicu da se Inspektorat rada oglasio nenadležnim u predmetnom slučaju, Ured je izvršio uvid u dostavljenu dokumentaciju od strane Preduzeća, te je sa aspekta uočavanja potencijalnih koruptivnih rizika, došao do podataka koji ukazuju na postojanje indicija da lice Halil Sulejmanović, koji je Odlukom Nadzornog odbora, imenovan za vršioca dužnosti Izvršnog direktora Oblasti za opšte poslove KJP "Sarajevo-šume" d.o.o. Sarajevo na period od 3 (tri) mjeseca, počev od 23.04.2021. godine, ne ispunjava uvjet iz Statuta koji se odnosi na traženo radno iskustvo (u Statutu Preduzeća je navedeno da za izvršnog direktora može biti imenovano lice, koje pored opštih uslova propisanih Zakonom, ispunjava i posebne uslove, i to između ostalog da ima najmanje 5 godina radnog iskustva u struci, od čega najmanje 3 godine na rukovodnim poslovima).

Naime, iz dostavljenih potvrda/uvjerenja (ukupno 4) od strane imenovanog, vidljivo je da su iste nepotpune, na način da neke od njih ne sadrže podatak da je radio na poslovima visoke stručne spreme (u struci), odnosno ne sadrže jasno preciziran period u kojem je imenovani bio radno angažovan (već je samo naveden ukupan period radnog angažmana u godinama i/ili mjesecima). Uzimajući u obzir sve naprijed navedeno, Ured smatra da Nadzorni odbor prilikom ovog imenovanja, nije mogao iz dostavljenih potvrda/uvjerenje nesporno utvrditi da kandidat Halil Sulejmanović posjeduje traženo radno iskustvo.

Imajući u vidu činjenicu da je upravo u tački III Odluke Nadzornog odbora o imenovanju vršioca dužnosti Izvršnog direktora Oblasti za opšte poslove KJP "Sarajevo-šume", broj: 0102-988-9/21 od 22.04.2021. godine, navedeno da vršilac dužnosti Izvršnog direktora Oblasti za opšte poslove, ima sva prava i obaveze koje prema Statutu KJP "Sarajevo-šume" d.o.o. Sarajevo ima Izvršni direktor Oblasti za opšte poslove KJP "Sarajevo-šume" d.o.o. Sarajevo, nesporno je da je lice Halil Sulejmanović prilikom imenovanja za vršioca dužnosti trebao da ispunjava sve uslove koji su Statutom predviđeni za Izvršnog direktora u punom mandatu.

Nakon izvršene analize predmetnog slučaja, Ured je uočio koruptivni rizik vezano za način dokazivanja radnog iskustva u konkretnom slučaju ali i uopće, te shodno tome, ovim putem Ured daje preporuku da Nadzorni odbor prilikom imenovanja za vršioce dužnosti ili pak prilikom provođenja/rapisivanja konkursa za pozicije u punom mandatu, od kandidata kao dokaz radnog iskustva prvenstveno traži Uvjerenje o činjenicama iz matične evidencije nadležne institucije za penzijsko i invalidsko osiguranje (koje sadrži šifru zanimanja), ili potvrdu/uvjerenje poslodavca kod kojeg je kandidat radio koja/e moraju sadržavati podatke o tome na kojim poslovima je kandidat radio, da li su to poslovi visoke stručne spreme, kao i tačno preciziran period radnog angažmana, a sve imajući u vidu činjenicu da se radi o rukovodećim, i ujedno veoma odgovornim pozicijama, sa kojih se rukovodi i upravlja Preduzećem.

Naprijed navedeno prevashodno iz razloga što je u članu 12. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05) između ostalog navedeno da Upravu bira Nadzorni odbor većinom glasova na osnovu javnog konkursa iz reda kandidata koji po menadžerskim znanjima i iskustvu najbolje odgovaraju za izvršenje operativnih i poslovnih potreba javnog preduzeća.



web: <https://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277
Fax: + 387 (0) 33 562-217

Sarajevo, Reisa Džemaludina Čauševića 1



Takođe, evidentno je da je u konkretnom slučaju od strane Nadzornog odbora KJP "Sarajevo-šume" d.o.o. Sarajevo, raspisan *Javni konkurs za izbor i imenovanje članova Uprave – Direktora, Izvršnog direktora Oblasti za opšte poslove i Izvršnog direktora Oblasti za šumarstvo*, koji je objavljen na web stranici ovog Preduzeća dana 11.06.2021. godine, te shodno tome, postoji opravdana bojazan da će se lice koje trenutno obnaša funkciju vršioca dužnosti Izvršnog direktora Oblasti za opšte poslove (sa upitnim radnim iskustvom) prijaviti na isti, predajući opet iste potvrde/uvjerenja o radnom iskustvu, koje su po svom sadržaju evidentno neprecizne i nepotpune.

Stoga je potrebno da se prilikom provođenja konkursne procedure po gore navedenom Javnom konkursu, odnosno prilikom razmatranja prijava svih kandidata, sa većim stepenom dužne pažnje razmatra i cijeni dostavljena dokumentacija kojom kandidati dokazuju ispunjavanje uslova iz javnog konkursa (a posebno dostavljene potvrde/uvjerenja kojim se dokazuje radno iskustvo), sve sa ciljem kako bi u duhu naprijed navedene zakonske odredbe Zakona o javnim preduzećima u Federaciji BiH, na rukovodeće pozicije bili odabrani kandidati koji po menadžerskim znanjima i iskustvu najbolje odgovaraju za izvršenje operativnih i poslovnih potreba javnog preduzeća.

Imajući u vidu sve naprijed navedeno, a prevashodno cijeneći činjenicu da navedeno Preduzeće spada u resor Ministarstva privrede KS, kao i činjenicu da Vlada Kantona Sarajevo na prijedlog resornog ministra imenuje punomoćnike koji u ime Osnivača vrše ovlaštenja Skupštine u Preduzeću, koja odlučuje o imenovanju predsjednika i članova Nadzornog odbora pojedinačno, a Nadzorni odbor imenuje i razrješava članove Uprave u skladu sa Statutom Preduzeća, **predmetna informacija je ujedno dostavljena Premijeru Kantona Sarajevo i Ministru privrede KS, radi preispitivanja rada i postupanja Nadzornog odbora u konkretnom slučaju.**

Istovremeno Vas obavještavamo da će Ured, nastaviti pratiti postupanje svih organa u predmetnom slučaju, a sve sa ciljem uočavanja eventualnih budućih nepravilnosti, te će o istima informisati i upozoravati nadležne organe i ubuduće, sve sa ciljem prevencije eventualnih koruptivnih aktivnosti i nepravilnosti uopće.

S poštovanjem,

ŠEF UREDA

Erduan Karedžić

Dostaviti:

1. Naslovu;
2. a/a.



web: <https://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277
Fax: + 387 (0) 33 562-217
Sarajevo, Reisa Džemaludina Čauševića 1

